

# Bunreacht Chumann na dTuismitheoirí

## BUNREACHT CHUMANN NA dTUISMITHEOIRÍ *Ghaelscoil na Lochanna*



### 1 Cuspóir Chumann na dTuismitheoirí

Is é cuspóir Chumann na dTuismitheoirí ná struchtúr a chur ar fáil a chabhróidh le tuismitheoirí/caomhnóirí pháistí na scoile comhoibriú lena chéile d'fhonn caighdeán oideachais chomh hard agus is féidir a sholáthar dá bpáistí. Oibríonn Cumann na dTuismitheoirí ar son na ndaltaí i gcomhpháirtíocht leis an bPríomhoide, an fhoireann agus an Bord Bainistíochta, chun comhchaidreamh éifeachtúil a chothú ar scoil agus sa bhaile.

### 2. Aidhm Chumann na dTuismitheoirí

Is é aidhm Chumann na dTuismitheoirí ná deis a thabhairt do thuismitheoirí eispéaras oideachasúil a pháistí a shaibhriú oiread agus is féidir trí réimse gníomhaíochtaí agus imeachtaí a chur ar fáil.

Oibreoidh Cumann na dTuismitheoirí chun leasa na ndaltaí i gcomhpháirtíocht leis an mBord, an Príomhoide, na múinteoirí agus na daltaí, agus de réir fhorálacha an Achta Oideachais, 1998.

### 3. Ballraíocht Chumann na dTuismitheoirí

Is ball den Chumann é gach tuismitheoir nó caomhnóir a bhfuil páiste aige nó aici ag freastal ar Ghaelscoil na Lochanna.

### 4. Obair Chumann na dTuismitheoirí

Cuirfidh Cumann na dTuismitheoirí réimse gníomhaíochtaí ar siúl chun tuismitheoirí a spreagadh páirt a ghlacadh i saol na scoile, agus chun tacaíocht a thabhairt do dhaltaí, tuismitheoirí agus foireann na scoile. Beidh baill an Chumainn i dteagmháil le Príomhoide na scoile ar bhonn leanúnach, agus na gníomhaíochtaí thuas á reáchtáil acu.

Tá cead ag an gCumann comhairle a chur ar an bPríomhoide agus ar an mBord maidir le cúrsaí a bhaineann leis an scoil, de réir an Achta Oideachais, 1998, 26 (2)(a).

### 5. Coiste Chumann na dTuismitheoirí

Toghfaidh baill an Chumainn coiste a bheidh freagrach as gníomhaíochtaí an Chumainn a bhainistiú. Is é an fhoireann seo a fheidhmeoidh mar Choiste Chumann na dTuismitheoirí.

## 6. Ballraíocht Choiste na dTuismitheoirí

- α. Toghfarr baill an Choiste gach bliain ag Cruinniú Cinn Bhliana (CCB) Chumann na dTuismitheoirí, agus cuirfear fáilte ag an gCruinniú roimh thuismitheoirí agus caomhnóirí pháistí na scoile. (Tá sé tábhachtach go mbeadh ar a laghad ionadaí amháin ó gach rang ar an gCoiste.)
- β. Cuirfear fáilte roimh Phríomhoide Ghaelscoil na Lochanna ag cruinnithe an Choiste.
- γ. Ní mór do bhaill an Choiste seasamh síos nuair atá deireadh lena dtréimhsí oifige. Má theastaíonn uathu suí ar an gCoiste an bhliain dar gcionn, ní mór dóibh athainmniúchán a lorg.
- δ. Tá gach ball de Choiste na dTuismitheoirí i dteideal a bheith tofa chun an Choiste arna (h)ainmniú.
- ε. Toghfarr deichniúr chun an Choiste (teastaíonn seisear ar a laghad).
- φ. Coinneofar ar a laghad trí áit oscailte ar an gCoiste do bhaill nua.
- γ. Toghfarr gach ball ar feadh bliana amháin. Tá cead ag baill athainmniúchán a lorg ar feadh bliana, ach páiste a bheith acu sa scoil.
- η. Is baill den Choiste go huathoibríoch iad ionadaithe tuismitheora a thoghtar chun an Bhoird Bainistíochta, ach níl cead acu bheith ina n-oifigigh ar an gCoiste.
- ι. Comhthoghadh agus Fochoistí
  - <sup>35</sup><sub>17</sub> Is féidir le baill an Choiste daoine a chomhthoghadh chun an Choiste i gcás go dteastaíonn cabhair uathu lena gcuid oibre. Is féidir fochoistí a bhunú d'fhonn tascanna áirithe a chur i gcrích, agus tá ar chumas bhaill na bhfochoistí daoine a chomhthoghadh chun an fhochoiste má tá cabhair uathu lena gcuid oibre. Níl cead ag fochoistí cinntí a dhéanamh; tá siad freagrach don Choiste féin. Déanfar obair na bhfochoistí i gcomhairle leis an bPríomhoide chomh maith.
- φ. Is féidir glacadh le hainmniúchán ag an gCruinniú Cinn Bhliana nó is féidir iad a iarraidh tríd an bpost.
- κ. Tá cead ag tuismitheoirí a fhreastalaíonn ar an gCruinniú Cinn Bhliana vóta a chaitheamh ar gach rún a mholtar ag an gCruinniú.
- λ. Ainmneofar beirt áiritheoirí chun na vótaí a chomhaireamh.

## 7. Obair Choiste Chumann na dTuismitheoirí

- α. De réir bhunchloch ár n-éitis, tá sé de dhualgas ag baill an Choiste oiread Gaeilge agus is féidir leo a úsáid agus iad ag réachtáil gníomhaíochtaí.
- β. Is é an Coiste atá freagrach as gníomhaíochtaí an Chumainn a bhainistiú ar son na dtuismitheoirí (na baill), agus déanfaidh baill an Choiste a ndícheall tuismitheoirí a choimeád ar an eolas maidir le gach a mbaineann le saol na scoile.
- γ. Déanfaidh an Coiste plean a dhréachtadh maidir leis na gníomhaíochtaí is imeachtaí atá pleanáilte, i gcomhairle le tuismitheoirí agus de réir a moltaí siúd.
- δ. Beidh an Coiste freagrach as gníomhaíochtaí agus imeachtaí a rith ar bhealach eagraithe, éifeachtúil.
- ε. Rachaidh an Coiste i gcomhairle leis an bPríomhoide chun gníomhaíochtaí na bliana a phleanáil.
  - <sup>35</sup><sub>17</sub> Ag seo thíos liosta gníomhaíochtaí a d'fhéadfadh an Coiste cur i bhfeidhm le linn a thréimhse oifige:
    - i. Imeachtaí agus gníomhaíochtaí tiomsaithe airgid a eagrú
    - ii. Tuismitheoirí a choimeád ar an eolas maidir le saol na scoile
    - iii. Eolas a scaipeadh ar thuismitheoirí, mar shampla, i dtaobh cúrsaí curaclam
    - iv. Fáilte a chur roimh dhaoine a d'fhéadfadh labhairt le muintir na scoile faoi ábhair shuimiúla nó oideachasúla, mar shampla, banaltra, dochtúir, garda nó tréidlia
    - v. Gníomhaíochtaí a eagrú le linn Sheachtain na Gaeilge a bheadh oiriúnach do theaghlaigh
    - vi. Cabhrú maidir le cothabháil thailte na scoile
    - vii. Sóláistí a chur ar fáil le linn imeachtaí scoile

φ. Molta ag CCB 2012: Cuirfear leagan Gaeilge de Bhunreacht Chumann na dTuismitheoirí ar fáil.

## 8. Struchtúr an Choiste

Cathaoirleach  
Leaschathaoirleach  
Rúnaí  
Cisteoir  
Cisteoirí Cúnta  
Beirt ainmnithigh don Bhord Bainistíochta

- a. 50% + 1 an líon gnó is gá chun rún a rith le linn chruinnithe Choiste.
- b. Oibreoidh Cathaoirleach agus Rúnaí Choiste na dTuismitheoirí lena chéile chun Clár Gnó a dhréachtadh, agus tabharfar réamhfhógra seachtaine do bhaill an Choiste maidir le cruinnithe.
- c. Déanfaidh an Rúnaí miontuairiscí gach cruinnithe a thaifeadadh, agus tabharfar na miontuairiscí don Phríomhoide le cur sna comhaid scoile.
- d. Ní féidir le ball den Bhord Bainistíochta ainmiúchán a lorg do Choiste na dTuismitheoirí, ach is baill den Choiste go huathoibríoch iad na hionadaithe tuismitheora ar an mBord.
- e. Níl sé de chead ag ball ar bith den Choiste seachas an Cathaoirleach (nó ball ainmnithe) ráiteas oifigiúil nó poiblí, nó uiríoll a dhéanamh ar son an Choiste.
- f. N.B. Níl cead plé a dheanamh ar mhúinteoirí, daltaí aonair nó obair ranganna áirithe ag cruinnithe Choiste na dTuismitheoirí.
- g. Rachaidh an Coiste i gcomhairle leis an bPríomhoide agus an Bord chun córas leanúnach cumarsáide a chur i bhfeidhm.
- h. Cuirfidh an Coiste tuairisc faoina chuid oibre faoi bhráid tuismitheoirí (na baill) ag an gCruinniú Cinn Bhliana.
- i. Beidh cruinnithe ag Coiste Chumann na dTuismitheoirí ar a laghad sé huairte i gcaitheamh na bliana.
- j. Ní mhairfidh aon chruinniú níos mó ná uair go leith.
- k. Socrófar modh cumarsáide idir Cathaoirleach an Choiste agus Príomhoide Ghaelscoil na Lochanna ag tús gach scoilbhliana.
- l. Molta ag CCB Eanáir 2011: I gcás nach mór don Choiste cinneadh a dhéanamh ar ábhar áirithe, níl cead vótála ach ag baill atá i láthair ag an gCruinniú.
- m. Molta ag CCB Mheán Fómhair 2012: Chun cinntiú go bhfuil cumarsáid éifeachtach ar siúl idir an Coiste, an scoil agus an Bord Bainistíochta, cuirfidh an Príomhoide tuairisc ar fáil faoi chúrsaí scoile ag cruinnithe an Choiste, agus beidh tuairisc ón gCoiste ar Chlár Gnó cruinnithe a eagraíonn an Bord Bainistíochta.

## 9. Cúrsaí Airgeadais

Aithníonn Cumann na dTuismitheoirí gurb é an Bord Bainistíochta atá freagrach as airgeadas na scoile a bhainistiú.

Déanfaidh an Coiste airgead a sholáthar dá ghníomhaíochtaí trí imeachtaí tiomsaithe airgid a reáchtáil, nó trí ranníocaíocht ón mBord Bainistíochta.

Ceapfar ball den Choiste ina C(h)isteoir, a mbeidh de dhualgas aige nó aici cuntais Chumann na dTuismitheoirí a choimeád. Cuirfidh an Cisteoir ráiteas ioncaim agus caiteachais faoi bhráid an Choiste ag gach cruinniú.

Scaipfear ráiteas scríofa ioncaim agus caiteachais ag an CCB.

Beidh cuntas bainc ag Cumann na dTuismitheoirí ina ainm fein. Ní mór don Chisteoir agus ar a laghad ball amháin eile den Choiste seiceanna a shíneadh a tharraingítear ar chuntas an Chumainn.

## **10. Ag Tiomsú Airgid don Scoil**

Déanfar socrú roimh ré idir an Bord agus Cumann na dTuismitheoirí maidir le tionscadail scoile ar leith a chuirfidh an Cumann i bhfeidhm chun airgead a thiomsú don scoil.

## **11. Rúndacht**

- a. Ba chóir don Choiste cumarsáid oscailte a dhéanamh le tuismitheoirí/caomhnóirí Ghaelscoil na Lochanna.
- b. D'fhéadfadh cúrsaí teacht aníos ó am go chéile a dteastaíonn rúndacht ina leith.
- c. Tá sé ríthábhachtach go gcloífaí le rúndacht.

## **12. Ballraíocht den Chomhairle Náisiúnta Tuismitheoirí - Bunbhrainse**

Déanfar Cumann na dTuismitheoirí Ghaelscoil na Lochanna a chomhcheangal gach bliain leis an gComhairle Náisiúnta Tuismitheoirí.

## **13. Athruithe don Bhunreacht**

Is féidir athruithe a dhéanamh don Bhunreacht ag an CCB. Ní mór tograí nó rúin a bhaineann le hathruithe don Bhunreacht a scríobh agus a chur faoi bhráid Choiste Chumann na dTuismitheoirí. Scaipfidh an Coiste na rúin seo ar na tuismitheoirí ar fad roimh an CCB. Tá cead ag tuismitheoirí uile pháistí na scoile vótáil ar na rúin.

## **14. An Cruinniú Cinn Bhliana**

Reáchtálfar an Cruinniú Cinn Bhliana gach bliain le linn an chéad téarma den scoilbhliain nua.

---

---

Dáta: \_\_\_\_\_